

**ՀՀ մարզերի համայնքներում 2012 թվականի ընթացքում  
իրականացված վարչական հսկողության արդյունքում կազմված  
ակտերում արձանագրված հիմնական խախտումների վերաբերյալ**

ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանի համաձայն նախատեսվել էր հսկողություն իրականացնել ՀՀ 10 մարզերի (ՀՀ Արարգածոտնի մարզ՝ 40, ՀՀ Արարատի մարզ՝ 33, ՀՀ Արմավիրի մարզ՝ 33, ՀՀ Գեղարքունիքի մարզ՝ 34, ՀՀ Լոռու մարզ՝ 38, ՀՀ Կոտայքի մարզ՝ 22, ՀՀ Շիրակի մարզ՝ 41, ՀՀ Սյունիքի մարզ՝ 37, ՀՀ Վայոց Ձորի մարզ՝ 15 և ՀՀ Տավուշի մարզ՝ 20) 313 համայնքներում: Հսկողությունն իրականացվել է աշխատանքային ծրագրին համապատասխան:

Ստորև ներկայացվում է հսկողության արդյունքում արձանագրված խախտումների վերաբերյալ տարեկան կտրվածքով տեղեկատվությունն՝ ըստ մարզերի:

**ՀՀ Վայոց ձորի մարզ**

Նախատեսվել և իրականացվել է վարչական հսկողություն մարզի 15 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Իրավական ակտերի մասին» ՀՀ օրենքի 37-րդ հոդվածի 2-րդ կետի և 40-րդ հոդվածի 1-ին կետի պահանջները, համաձայն որոնց իրավական ակտը կարող է պարունակել նախաբան, որը սահմանում է իրավական ակտի ընդունման նպատակներն ու պատճառները: Նախաբանում չեն զետեղվում նորմատիվ դրույթներ: Հավասար իրավաբանական ուժ ունեցող նորմատիվ իրավական ակտերը չեն կարող ունենալ միևնույն վերնագիրը: Ցածր իրավաբանական ուժ ունեցող նորմատիվ իրավական ակտի վերնագիրը չպետք է նույնությամբ կրկնի ավելի բարձր իրավաբանական ուժ

ունեցող իրավական ակտի վերնագիրը: Անհատական կամ ներքին իրավական ակտի վերնագիրը չպետք է նույնությամբ համընկնի նորմատիվ իրավական ակտի վերնագրին:

Խախտումն արձանագրվել է Ռինդ, Կարմրաշեն, Փոռ, Արին, Բարձրունի, Գնիշիկ և Ազատեկ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 16-րդ հոդվածի 5-րդ կետի պահանջը, համաձայն որի, համայնքի ավագանին որոշում է կամավոր լիազորությունների իրականացման կարգը և անհրաժեշտ ֆինանսական միջոցները՝ համայնքի ղեկավարի ներկայացմամբ:

Խախտումն արձանագրվել ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Վայոց Ձորի մարզում ծրագրով նախատեսված բոլոր համայնքներում:

Չեն պահպանվել «Գնումների մասին» ՀՀ օրենքի 17-րդ հոդվածի 1-ին կետի 4-րդ ենթակետի պահանջը, համաձայն որի բանակցային ընթացակարգով գնումներ կատարելու դեպքում պետք է տարվի գնման ընթացակարգ:

Խախտումն արձանագրվել է Արին, Բարձրունի, Գնիշիկ, Մարտիրոս և Ազատեկ համայնքներում:

Չեն պահպանվել ՀՀ կառավարության 10.02.2011թ.-ի թիվ 168-Ն որոշման 20-րդ կետի պահանջը, համաձայն որի գնման գործընթացի կազմակերպման իրավական հիմքը համարվում է գնման պլանը:

Խախտումն արձանագրվել է Բարձրունի, Կարմրաշեն, Արին համայնքներում:

Չեն պահպանվել ՀՀ կառավարության 10.02.2011թ.-ի թիվ 168-Ն որոշման պահանջները, համաձայն որի գնման գործընթացի կազմակերպման իրավական հիմքի պայմաններում շինարարական աշխատանքները իրականացվում են տեխնիկական և հեղինակային հսկողության առկայության պայմաններում:

Խախտումն արձանագրվել է Սարավան և Ազատեկ համայնքներում:

## **ՀՀ Գեղարքունիքի մարզ**

Նախատեսվել և իրականացվել է վարչական հսկողություն մարզի 34 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Բյուջետային համակարգի մասին» ՀՀ օրենքի 31-րդ հոդվածի 7-րդ կետի «գ» ենթակետի պահանջները, համաձայն որոնց պետք է ապահովվել համայնքի բյուջեներով նախատեսված եկամուտների ու ծախսերի հիմնավորումը, ինչպես նաև այդ ցուցանիշների համեմատական վերլուծությունը նախորդ տարվա բյուջեի փաստացի, ընթացիկ բյուջետային տարվա հաստատված հաշվարկային ցուցանիշների հետ:

Խախտումն արձանագրվել է Գանձակ, Աստղածոր, Սարուխան, Զաղացածոր, Շատջրեք և Դարանակ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 10-րդ, 12-րդ հոդվածի պահանջները, համաձայն որոնց նախատեսվում է տվյալ հարկատեսակի գծով մուտքեր, նշելով հարկվող սուբյեկտների ցանկը, աղբյուրները: Տեղական տուրքը կամ վճարը գանձում են նախքան այդ լիազորությունների կամ գործողությունների իրականացումը:

Խախտումն արձանագրվել է Կարմիրգյուղ, Աստղածոր, Սարուխան, Նորակերտ, Չկալովկա, Արծվանիստ, Լիճք, Խաչաղբյուր, Լճավան, Սոթք, գ. Մարտունի, Վահան, Ծակքար, Ակունք, Գեղիովիտ, Դդմաշեն և Լճափ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 11-րդ հոդվածի պահանջները, համաձայն որոնց համայնքի ավագանին ընդունում է կանոնակարգ, որը կարգավորում է ավագանու գործունեությունը, նիստերի նախապատրաստումը և անցկացումը: Ավագանու նիստերն անցկացվում են ոչ պակաս, քան երկու ամիսը մեկ անգամ: Ավագանին կարող է անցկացնել արտահերթ նիստեր:

Խախտումն արձանագրվել է Ծաղկունք, Նորակերտ, Լիճք, գ. Մարտունի, Ծակքար, Աստղածոր, Լճափ, Զաղացածոր, Փամբակ, Ակունք, Ն. Գետաշեն և Շատջրեք համայնքներում:

Չեն պահպանվել «Առևտրի և ծառայությունների մասին» ՀՀ օրենքի 17.1 հոդվածի պահանջը, համաձայն որի պետք է իրականացվի հսկողություն առևտրի և ծառայությունների բնագավառում:

Խախտումն արձանագրվել է Արծվանիստ, Ծաղկունք, Կարմիրգյուղ, Վարսեր, Հայրավանք, Աստղածոր, Սարուխան, Նորակերտ, Հայրավանք, Գանձակ, Չկալովկա, Լիճք, Խաչաղբյուր, Կարճաղբյուր, Կուտական, Լճավան, Ծակքար, Սոթք, գ. Մարտունի, Վահան, Լճափ և Արտանիշ համայնքներում:

Չեն պահպանվել «Իրավական ակտերի մասին» ՀՀ օրենքի 37-րդ և 40-րդ հոդվածների պահանջները, համաձայն որոնց ընդունված ակտերի գերակշիռ մասը իրենց կառուցվածքով, վերնագրերով և իրավական տեխնիկայի կանոններով պետք է համապատասխանեն ՀՀ «Իրավական ակտերի մասին» օրենքի պահանջներին:

Խախտումն արձանագրվել է Չկալովկա, Դարանակ, Ն.Գետաշեն, Փ. Մասրիկ, Գեղիովիտ, Ակունք, Աղբերք, Կութ և Արտանիշ համայնքներում:

Չեն պահպանվել «Իրավական ակտերի մասին» ՀՀ օրենքի 34-րդ հոդվածի 1-ին կետի պահանջները, համաձայն որոնց տեղական ինքնակառավարման մարմինների նորմատիվ իրավական ակտերը, դրանք ընդունելուց հետո՝ «Իրավական ակտերի մասին» ՀՀ օրենքի 56-րդ հոդվածով սահմանված ժամկետներում, պետական փորձաքննության համար ուղարկվում են Հայաստանի Հանրապետության արդարադատության նախարարություն: Նշված ժամկետում Հայաստանի Հանրապետության արդարադատության նախարարություն չուղարկված նորմատիվ իրավական ակտերը համարվում են անվավեր:

Խախտումն արձանագրվել է Աղբերք, Լճափ, Փամբակ, Ջաղացածոր, Ակունք, Ն.Գետաշեն, Կութ, Վահան և գ. Մարտունի համայնքներում:

## **ՀՀ Տավուշի մարզ**

Նախատեսվել և իրականացվել է վարչական հսկողություն մարզի 20 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Իրավական ակտերի մասին» ՀՀ օրենքի 37-րդ 40-րդ և 41-րդ հոդվածների պահանջները, համաձայն որոնց ընդունված ակտերի գերակշիռ մասը իրենց

կառուցվածքով, վերնագրերով և իրավական տեխնիկայի կանոններով պետք է համապատասխանեն ՀՀ «Իրավական ակտերի մասին» օրենքի պահանջներին:

Խախտումն արձանագրվել է Լուսաձոր, Կիրանց և Աճարկուտ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 69-րդ հոդվածի պահանջները, համաձայն որոնց համայնքի ղեկավարը եռամսյակը մեկ անգամ Հասստանի Հանրապետության բյուջետային օրենսդրությամբ սահմանված ժամկետում բյուջեի ընթացքի մասին հաղորդումներ պետք է ներկայացնի համայնքի ավագանուն:

Խախտումն արձանագրվել է Վարազավան, Պառավաքար, Լուսաձոր, Կիրանց և Աճարկուտ համայնքներում:

## **ՀՀ Արմավիրի մարզ**

Նախատեսվել և իրականացվել է վարչական հսկողություն մարզի 33 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Իրավական ակտերի մասին» Հայաստանի Հանրապետության օրենքի 5-րդ գլխով սահմանված օրենսդրական տեխնիկայի կանոնները, մասնավորապես՝ 37-րդ 40-րդ հոդվածների պահանջները, համաձայն որոնց ընդունված իրավական ակտերի գերակշիռ մասը իրենց կառուցվածքով, վերնագրերով և իրավական տեխնիկայի կանոններով պետք է համապատասխանեն գործող օրենսդրական պահանջներին:

Խախտումն արձանագրվել է մարզի Վարդանաշեն, Արգինա, Այգեկ, Բաղրամյան(Էջմ.), Ծաղկալանջ, Դողս, Մուսալեռ, Ալաշկերտ, Առատաշեն, Մյասնիկյան, Նորավան, Տանձուտ և Երասխահուն համայնքներում:

Չեն պահպանվել «Իրավական ակտերի մասին» Հայաստանի Հանրապետության օրենքի 61-րդ հոդվածի 2-րդ մասի պահանջները, համաձայն որոնց համայնքի ղեկավարի կողմից ընդունված անհատական իրավական ակտերը սահմանված կարգով, համայնքի ղեկավարի կողմից երկօրյա ժամկետում պետք է ուղարկվեն համայնքի ավագանու անդամներին, ինչպես նաև դրանք ընդունելու օրվան հաջորդող երեք օրվա ընթացքում

պետք է ուղարկվեն, կամ հանձնվեն համապատասխան անձանց, որոնց վրա տարածվում են դրանք:

Խախտումն արձանագրվել է մարզի Վարդանաշեն, Արգինա, Այգեկ, Բաղրամյան(Էջմ.), Ծաղկալանջ, Դոդս, Երասխահուն, Արաքս(Էջմ.), Մրգաստան, Ջրառատ, Կողբավան, Բագարան, Բամբակաշատ, Մուսալեռ, Ալաշկերտ, Առատաշեն, Մյասնիկյան, Նորավան, Տանձուտ և Արտամետ և Նոր Արտագերս համայնքներում:

Չեն պահպանվել «Գնումների մասին» Հայաստանի Հանրապետության օրենքի 17-րդ հոդվածի առաջին մասի 4-րդ կետի պահանջները, համաձայն որոնց մասնավորապես գնման գործընթացը չի իրականացվել գնման ընթացակարգին համապատասխան:

Խախտումը արձանագրվել է մարզի Դաշտ, Նոր Արմավիր, Հացիկ, Մրգաստան, Ջրառատ, Կողբավան, Բագարան, Բամբակաշատ, Մուսալեռ, Ալաշկերտ, Առատաշեն, Մյասնիկյան, Նորավան, Տանձուտ և Արտամետ համայնքներում:

## **ՀՀ Կոտայքի մարզ**

Նախատեսվել և իրականացվել է վարչական հսկողություն մարզի 22 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմանկան խախտումները.

Չեն պահպանվել «Տեղական ինքնակառավարման մասին» ՀՀ օրենքի 30-րդ հոդվածի 8-րդ կետի պահանջները, համաձայն որոնց ավագանու որոշումները առաքվում են մարզպետարան 7-օրյա ժամկետում:

Խախտումն արձանագրվել է Արամուս, Կամարիս, Պոռոշյան, Ակունք, Բալախովիտ, Գեղարդ, Արագյուղ, Մրգաշեն, Արտավազ և Մայակովսկի համայնքներում:

Չեն պահպանվել «Տեղական ինքնակառավարման մասին» ՀՀ օրենքի 11-րդ հոդվածի 2-րդ մասի պահանջները, համաձայն որոնց համայնքի ավագանին ընդունում է կանոնակարգ, որը կարգավորում է ավագանու գործունեությունը, նիստերի նախապատրաստումը և անցկացումը: Ավագանու նիստերն անցկացվում են ոչ պակաս, քան երկու ամիսը մեկ անգամ: Ավագանին կարող է անցկացնել արտահերթ նիստեր:

Խախտումն արձանագրվել է Արամուս, Կամարիս, Արզնի, Պոռոշյան, Բալախովիտ, Գեղարդ, Արագյուղ, Մրգաշեն և Արտավազ համայնքներում:

Չեն պահպանվել «Իրավական ակտերի մասին» ՀՀ օրենքի 56-րդ հոդվածի 1-ին մասի պահանջները, համաձայն որոնց տեղական ինքնակառավարման մարմինների նորմատիվ իրավական ակտերը ենթակա են պարտադիր պաշտոնական հրապարակման: Տեղական ինքնակառավարման մարմինների նորմատիվ իրավական ակտերի պաշտոնական հրապարակումը կարգավորվում է «Իրավական ակտերի մասին» ՀՀ օրենքի 63-րդ հոդվածով սահմանված կարգով և ձևով:

Խախտումն արձանագրվել ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Կոտայքի մարզում ծրագրով նախատեսված բոլոր համայնքներում:

Չեն պահպանվել «Տեղական ինքնակառավարման մասին» ՀՀ օրենքի 40-րդ հոդվածի 1-ին մասի 1-ին կետի, «<Առևտրի և ծառայությունների մասին>> ՀՀ օրենքի 17-րդ և 17.1-րդ հոդվածների /մաս 10/ պահանջները, համաձայն որոնց առևտրի, հանրային սննդի և կենցաղային ծառայությունների օբյեկտների հսկողություններ ստուգվող ժամանակաշրջանում չեն իրականացվել, կամ իրականացվել են մասնակի և ոչ լիարժեք:

Խախտումն արձանագրվել է Արամուս, Կամարիս, Ալափարս, Նոր գյուղ, Պոռոշյան, Եղվարդ, Բալախովիտ, Գողթ, Արագյուղ, Մեղրածոր, Մրգաշեն, Բջնի, Նոր Հաճն, Զորավան և Մայակովսկի համայնքներում:

Չեն կատարվել «Տեղական ինքնակառավարման մասին» ՀՀ օրենքի 32-րդ հոդվածի, 4-րդ մասի պահանջները, համաձայն որոնց համայնքի ղեկավարը օրենքով սահմանված կարգով՝ աշխատակազմի, բյուջետային հիմնարկների և ոչ առևտրային կազմակերպությունների կանոնադրությունների, կառուցվածքների վերաբերյալ որոշման նախագծերը և դրանցում առաջարկվող փոփոխությունները /օրենսդրությամբ սահմանված կարգով/, չեն ներկայացվել ավագանու հաստատմանը:

Խախտումն արձանագրվել է Արամուս, Կամարիս, Արզնի, Նոր գյուղ, Պոռոշյան, Արգել, Ակունք, Բալախովիտ, Գեղարդ, Գողթ, Արագյուղ, Մրգաշեն, Արտավազ, Բջնի, Զորավան և Մայակովսկի համայնքներում:

Չեն պահպանվել «Իրավական ակտերի մասին» ՀՀ օրենքի 36-45-րդ հոդվածների պահանջները, համաձայն որոնց չեն պահպանվել իրավական տեխնիկայի կանոնները:

Խախտումն արձանագրվել ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Կոտայքի մարզում ծրագրով նախատեսված բոլոր համայնքներում:

Չեն պահպանվել «Իրավական ակտերի մասին» ՀՀ օրենքի 37-րդ հոդվածի 2-րդ մասի 3-րդ պարբերության պահանջները, համաձայն որոնց անհատական կամ ներքին իրավական ակտի նախաբանում կամ բովանդակության մեջ պետք է նշվի, թե որ նորմատիվ իրավական ակտի, դրա մասի համաձայն կամ ի կատարումն է ընդունվում:

Խախտումն արձանագրվել է Արամուս, Մրգաշեն, Արգել, Ջորավան, Ալափարս, Եղվարդ, Բալահովիտ, Գողթ և Պոռոշյան համայնքներում:

Խախտումն արձանագրվել է Արգել, Բջնի, Ալափարս, Արտավազ, Մեղրաձոր, Մայակովսկի, Ակունք, Բալահովտ, և Պոռոշյան համայնքներում:

Չեն պահպանվել «Անշարժ գույքի գնահատման գործունեության մասին» ՀՀ օրենքի 8-րդ հոդվածի պահանջները, համաձայն որոնց անշարժ գույքի գնահատումը պարտադիր է /անշարժ գույքը պետության կամ համայնքների կարիքների համար ձեռք բերելու (վերցնելու) դեպքերում/:

Խախտումն արձանագրվել է՝ Նոր Հաճրն, Արգել, Բալահովիտ և Գառնի համայնքներում:

Չեն պահպանվել «Հաշվապահական հաշվառման մասին» ՀՀ օրենքի 14-րդ հոդվածի 1-ի կետը և ՀՀ կառավարության 25 օգոստոսի 1998 թվականի N 525 որոշման 1-ի կետի 1-ի մասի պահանջները, համաձայն որոնց ծախսերի հաշվեգրման համար նյութական և ոչ նյութական ակտիվների, ինչպես նաև ծառայությունների (աշխատանքների) ձեռքբերման ժամանակ իրականացված գործարքները հավաստող փաստաթղթեր կարող են համարվել, մասնավորապես՝ բ) հաշիվ-ապրանքագիրը, ե) պահեստի ելքի անդորրագիրը (ապրանքագիրը), գ) կատարողական ակտը: Խախտումներն արձանագրվել են՝ Արգել, Նոր Գյուղ, Բալահովիտ, Գառնի, Գողթ, Եղվարդ, Մայակովսկի, Մրգաշեն և Պոռոշյան համայնքներում:



Չեն պահպանվել «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 19-րդ կետի պահանջները, համաձայն որոնց ավագանին սահմանում է համայնքի կողմից մատուցված ծառայությունների դիմաց գանձվող վճարների դրույքաչափերը:

Խախտումն արձանագրվել է Արամուս, Կամարիս, Արգել, Ակունք, Բալահովիտ, Գեղարդ, Մրգաշեն, Արտավազ և Մայակովսկի համայնքներում:

## **ՀՀ Սյունիքի մարզ**

Նախատեսվել և իրականացվել է վարչական հսկողություն մարզի 37 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Տեղական ինքնակառավարման մասին» ՀՀ օրենքի 16-րդ հոդվածի 5-րդ կետի պահանջները, համաձայն որոնց համայնքի ղեկավարի ներկայացմամբ համայնքի ավագանին որոշում է կամավոր լիազորությունների իրականացման կարգը և անհրաժեշտ ֆինանսական միջոցները:

Խախտումն արձանագրվել ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Սյունիքի մարզում ծրագրով նախատեսված բոլոր համայնքներում:

Չեն պահպանվել «Տեղական ինքնակառավարման մասին» ՀՀ օրենքի 32-րդ հոդվածի 1.1-րդ հոդվածի պահանջները, համաձայն որոնց համայնքի ղեկավարը անհատական ակտեր ընդունելուց հետո 2-օրյա ժամկետում համայնքի ավագանու անդամներին է ուղարկում և համայնքի ավագանու նստավայրում՝ բոլորի համար տեսանելի տեղում փակցնում:

Խախտումն արձանագրվել է մարզի՝ Ձորաստան, Դարբաս, Լոր, Գետաթաղ, Խոզնավար, Շաքի, Սառնակունք, Ծղուկ, Շաղաթ, Կաղնուտ Ճակատեն, Նժդեհ, Բնունիս, Տորունիք, Հացավան, Վանք, Քաշունի, Շուռնուփս և Կուրիս համայնքներում:

Չեն պահպանվել ՀՀ կառավարության 11.07.2002 թ N1146-Ն որոշմամբ սահմանված կարգով հաստատված դրույթները, համաձայն որոնց իրավական ակտերը պետք է հաշվառվեն:

Խախտումն արձանագրվել է մարզի՝ Ձորաստան, Դարբաս, Լոր, Գետաթաղ, Շաքի, Սառնակունք, Ծղուկ, Շաղաթ, Կաղնուտ Նժդեհ, Բնունիս, Տորունիք, Հացավան, Վանեք, Քաշունի, Շուռնուխ, Կուրիս, Լեհվազ, Սյունիք, Եղվարդ, Գուդեմնիս, Շվանիձոր և Լիճք համայնքներում:

## **ՀՀ Արագածոտնի մարզ**

Նախատեսվել և իրականացվել է վարչական հսկողություն մարզի 40 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Գնումների մասին» ՀՀ օրենքի 17-րդ հոդվածի 4-ի կետի պահանջները, համաձայն որոնց մասնավորապես գնման գործընթացը չի իրականացվել գնման ընթացակարգին համապատասխան:

Խախտումն արձանագրվել է ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Արագածոտնի մարզում ծրագրով նախատեսված բոլոր համայնքներում:

Չեն պահպանվել «Քաղաքաշինության մասին» ՀՀ օրենքի պահանջները, համաձայն որոնց համայնքի քաղաքաշինական ծրագրային փաստաթղթերը (այդ թվում՝ վերջիններիս կազմում մշակվող՝ հողամասերի նպատակային նշանակության փոփոխությունները և նախագծման առաջադրանքը) համայնքի ղեկավարի ներկայացմամբ հաստատում է համայնքի ավագանին:

Խախտումն արձանագրվել է ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Արագածոտնի մարզում ծրագրով նախատեսված բոլոր համայնքներում:

Չեն պահպանվել «Տեղական տուրքերի և վճարների մասին» ՀՀ օրենքի 10-րդ, 12-րդ հոդվածների պահանջները, համաձայն որոնց նախատեսվել են հարկատեսակների գծով մուտքեր, չնշելով հարկվող սուբյեկտների ցանկը, աղբյուրները:

Խախտումն արձանագրվել է Բյուրական, Ծաղկահովիտ, Փարպի և Ուշի համայնքներում:

Չեն պահպանվել «Տեղական ինքնակառավարման մասին» ՀՀ օրենքի 11-րդ հոդվածի պահանջները, համաձայն որոնց համայնքի ավագանին ընդունում է կանոնակարգ, որը կարգավորում է ավագանու գործունեությունը, նիստերի նախապատրաստումը և անցկացումը: Ավագանու նիստերն անցկացվում են ոչ պակաս, քան երկու ամիսը մեկ անգամ: Ավագանին կարող է անցկացնել արտահերթ նիստեր:

Խախտումն արձանագրվել է Նոր Եդեսիա և Ուշի համայնքներում:

Չեն պահպանվել «Իրավական ակտերի մասին» ՀՀ օրենքի 37-րդ 40-րդ և 41-րդ հոդվածների պահանջները, համաձայն որոնց ընդունված ակտերի գերակշիռ մասը իրենց կառուցվածքով, վերնագրերով և իրավական տեխնիկայի կանոններով պետք է համապատասխանեն «Իրավական ակտերի մասին» ՀՀ օրենքի պահանջներին:

Խախտումն արձանագրվել է Արագածոտն համայնքում:

Չեն պահպանվել «Իրավական ակտերի մասին» ՀՀ օրենքի 37-րդ հոդվածի 2-րդ մասի 2-րդ կետի պահանջները, համաձայն որոնց գերատեսչական նորմատիվ իրավական ակտերի, տեղական ինքնակառավարման մարմինների նորմատիվ իրավական ակտերի նախաբանում պետք է նշվի թե՛ ՀՀ օրենսդրության որ նորմատիվ իրավական ակտի, դրա մասի համաձայն կամ ի կատարումն է ընդունվում:

Խախտումն արձանագրվել է Նոր Եդեսիա համայնքում:

Չեն պահպանվել «Վարչական իրավախախտումների վերաբերյալ» ՀՀ օրենսգրքի 169-րդ հոդվածի 16-րդ կետի պահանջները, համաձայն որոնց առանձին տնտեսվարողներ առևտրի, հանրային սննդի և կենցաղային ծառայությունների ոլորտում պետք է համապատասխան թույլտվություն ունենան գործունեություն իրականացնելու համար:

Խախտումն արձանագրվել է Փարպի, Ծաղկահովիտ և Բյուրական համայնքներում:

Չեն պահպանվել ՀՀ կառավարության 2005 թվականի օգոստոսի 25-ի N 1471-Ն որոշման 8-րդ կետի պահանջները համաձայն որոնց գործատուն աշխատողի պահանջով

աշխատողին տրամադրում է քաղվածք տեղեկագրից՝ ոչ ավելի, քան աշխատած վերջին մեկ տարվա համար:

Խախտումն արձանագրվել է Ալազյազ, Հնաբերդ և Քուչակ համայնքներում:

Չեն պահպանվել «Եկամտահարկի մասին» ՀՀ օրենքի 18-րդ հոդվածի 1-ին և 2-րդ կետերը, համաձայն որոնց խախտվել է եկամտահարկի հաշվարկման դրույքաչափերը: Խախտումն արձանագրվել է Հնաբերդ և Քուչակ համայնքներում:

Չեն պահպանվել «Տեղական տուրքերի և վճարների մասին» ՀՀ օրենքի 16-րդ հոդվածի պահանջները համաձայն որոնց տեղական տուրքը կամ վճարը ճիշտ հաշվարկելու, ժամանակին գանձելու պատասխանատվությունը դրվում է տեղական տուրք կամ վճար գանձող համապատասխան մարմնի կամ պաշտոնատար անձանց վրա:

Խախտումն արձանագրվել է Ալազյազ համայնքում:

## **ՀՀ Շիրակի մարզ**

Նախատեսվել և իրականացվել է վարչական հսկողություն մարզի 41 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Տեղական ինքնակառավարման մասին» ՀՀ օրենքի 12-րդ հոդվածի պահանջները, համաձայն որոնց համայնքի ավագանու նիստերի օրակարգի նախագիծը ձևավորում են համայնքի ղեկավարը և ավագանու անդամները՝ աշխատակազմի քարտուղարին նիստից առնվազն տասը օր առաջ ներկայացրած գրավոր հարցերից: Նիստի օրակարգի նախագիծը, դրանում ընդգրկված հարցերի որոշման նախագծերը և համապատասխան փաստաթղթերը նիստն սկսվելուց առնվազն 7 օր առաջ տրամադրվում են ավագանու անդամներին: Նիստի օրակարգը հաստատվում է համայնքի ավագանու որոշմամբ:

Խախտումն արձանագրվել է Զորակերտ, Գոգհովիտ, Հովտուն, Թորոսգյուղ, Աղվորիկ, Սարագյուղ, Գետափ, Ողջի, Զրափի, Բերդաշեն, Արեգնադեն, Հովտուն, Բավրա, Հովտաշեն, Զարիշատ, Բայանդուր, Տողամարզ և Գյումրի համայնքներում:

Չեն պահպանվել «Իրավական ակտերի մասին» ՀՀ օրենքի 5-րդ գլխով սահմանված օրենսդրական տեխնիկայի կանոնների պահանջները, համաձայն որոնց ընդունված իրավական ակտերի գերակշիռ մասն իրենց կառուցվածքով, հերթական համարների սահմանումով, իրավական ակտի բնույթի մասին կատարված տառերի նշումներով, վերնագրերով, հղումների և օրենսդրական տեխնիկայի այլ կանոնների կիրառումով չեն համապատասխանում «Իրավական ակտերի մասին» ՀՀ օրենքի 37-րդ, 38-րդ, 40-րդ, 41-րդ, 43-րդ և 45-րդ հոդվածների պահանջներին:

Խախտումներն արձանագրվել են Ջորակերտ, Հովտուն, Գոգհովիտ, Թորոսգյուղ, Սարագյուղ, Գետափ, Բերդաշեն, Գուսանագյուղ, Արեգնադեմ, Սարալանջ, Ձորաշեն, Բավրա, Հովտաշեն, Ջարիշատ, Սարագյուղ, Փոքր Սեպասար, Ջարիշատ, Յողամարգ և Արդենիս համայնքներում:

Չեն պահպանվել «Իրավական ակտերի մասին» ՀՀ օրենքի 70-րդ հոդվածի 2-րդ մասի պահանջները, համաձայն որոնց իրավական ակտում փոփոխությունները կատարվում են՝

բառեր կամ թվեր այլ բառերով կամ թվերով փոփոխարինելու միջոցով.

բառեր, թվեր կամ նախադասություններ հանելու միջոցով

բաժիններ, գլուխներ, հոդվածներ, մասեր, կետեր, պարբերություններ կամ

նախադասություններ նոր խմբագրությամբ շարադրելու միջոցով.

բաժինների, գլուխների, հոդվածների, մասերի, կետերի կամ պարբերությունների գործողությունը դադարեցնելու միջոցով:

Խախտումներն արձանագրվել են Ջորակերտ, Գոգհովիտ, Հովտուն, Թորոսգյուղ, Աղվորիկ, Սարագյուղ, Գետափ, Ողջի, Բերդաշեն, Արեգնադեմ, Հովտուն, Հովտաշեն, Ջարիշատ, Բայանդուր և Յողամարգ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 69-րդ հոդվածի պահանջները, համաձայն որի համայնքի ղեկավարը եռամսյակը մեկ անգամ «Հասստանի Հանրապետության բյուջետային համակարգի մասին» ՀՀ օրենքի 35-րդ հոդվածի 1-ին մասով սահմանված կարգով բյուջեի կատարման ընթացքի վերաբերյալ հաղորդումներ է ներկայացնում համայնքի ավագանուն:

Խախտումն արձանագրվել է Յողամարգ, Ջորակերտ, Գոգհովիտ, Արդենիս, Բերդաշեն, Արեգնադեմ, Ջորաշեն, Բավրա, Հովտաշեն, Ջարիշատ, Փոքր Սեպասար, Հովտուն և Գյումրի համայնքներում:

Չեն պահպանվել «Տեղական ինքնակառավարման մասին» ՀՀ օրենքի 46-րդ հոդվածի պահանջները, համաձայն որոնց սեփականության իրավունքով գույք ձեռք բերելուց կամ գույքն օտարելուց հետո՝ մեկշաբաթյա ժամկետում, համայնքի ղեկավարը գույքագրման փաստաթղթերում կատարում է համապատասխան փոփոխություններ, որոնք համայնքի ավագանին հաստատում է առաջիկա նիստում:

Խախտումն արձանագրվել է Բայանդուր, Գյումրի, Մեծ Մանթաշ, Աղինի, Բագրավան և Գուսանազյուղ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 54-րդ հոդվածի պահանջները, համաձայն որոնց թերություններով են կազմվել համայնքի զարգացման քառամյա ծրագրերը, նրանցում լիարժեք տեղեկություններ չեն ներկայացվել համայնքի սոցիալական և տնտեսական իրավիճակի, համայնքի ֆինանսական միջոցների գնահատման և քառամյա ժամկետում բյուջեի կատարման կանխատեսումների վերաբերյալ: Չեն տրվել առաջադրված հիմնախնդիրների նկարագրություններ, աշխատանքների ծավալներ, ակնկալվող արդյունքներ, պահանջվող ֆինանսական միջոցներ ու ֆինանսավորման աղբյուրներ և ժամկետներ:

Խախտումն արձանագրվել է Թորոսգյուղի, Բայանդուրի, Ջրափի, Հոռոմ, Ջորակերտ, Հովտուն, Լանջիկ, Շաղիկ, Աղվորիկ, Նոր Կյանք, Սարագյուղ, Կրաշեն և Գետափ համայնքներում:

Չեն պահպանվել «ՀՀ հողային օրենսգրքի» 76-րդ հոդվածի պահանջները, համաձայն որոնց համայնքների սեփականությունը հանդիսացող գյուղատնտեսական նշանակության առանձին հողամասեր վարձակալության են տրամադրվել ՀՀ օրենսդրությամբ սահմանված կարգին ոչ համապատասխան:

Խախտումն արձանագրվել է Փոքր Սեպասար, Գետափ, Հովտուն, Յողամարգ, Ջորակերտ, Գոգհովիտ, Թորոսգյուղ, Բերդաշեն, Սարագյուղ, Արդենիս, Սարալանջ, Գուսանազյուղ, Արեգնադեմ, Ձիթհանքով, Ջորաշեն, Բավրա, Հովտաշեն և Ջարիշատ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 34 հոդվածի 1-ին մասի 1-ին կետի պահանջները, համաձայն որոնց ամբողջությամբ չի իրականացվել բյուջեի կատարումն ապահովելու համայնքի ղեկավարի պարտադիր լիազորությունները:

Խախտումն արձանագրվել է Հոռոմ, Հովտուն, Սարագյուղ, Կրաշեն, Գետափ, Բերդաշեն, Աղին, Ջրափի, Արեգնադեմ, Բավրա, Փոքր Սեպասար և Յողամարզ համայնքներում:

## **ՀՀ Լոռու մարզ**

Նախատեսվել և իրականացվել է վարչական հսկողություն մարզի 38 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Վարչական իրավախախտումների վերաբերյալ» ՀՀ օրենքի 169.1-րդ հոդվածի 1-ին մասի պահանջները՝ համաձայն որոնց առանց թույլտվության ոգելից խմիչքների և /կամ/ ծխախոտի արտադրանքի վաճառք իրականացնելը, իսկ հանրային սննդի օբեկտներում՝ ոգելից խմիչքների և /կամ/ ծխախոտի արտադրանքի իրացում իրականացնելն առաջացնում է տուգանք:

Խախտումն արձանագրվել է Լեռնավան, Լեռնապատ, Վահագնի, Սարահարթ, Սարամեջ, Մեծավան, Օձուն և Ծաթեր համայնքներում:

Չեն պահպանվել «Տեղական տուրքերի և վճարների մասին» ՀՀ օրենքի 12-րդ հոդվածի պահանջները, համաձայն որոնց տեղական տուրք (կամ) վճար գանձող մարմինների պաշտոնատար անձինք տեղական տուրքի կամ վճարի հաշվարկն իրականացնում և տեղական տուրք կամ վճարը գանձում են նախքան այդ լիազորությունների կամ գործողությունների իրականացումը:

Խախտումն արձանագրվել է Գուգարք, Շամլուղ, Արջուտ, Աքրի և Լեռնավան համայնքներում:

Չեն պահպանվել «Գույքահարկի մասին» ՀՀ օրենքի 15-րդ հոդվածի 3-րդ կետի պահանջները, համաձայն որոնց համայնքի ավագանին կարող է սահմանել գույքահարկի

գծով արտոնություններ, որի չափը չի կարող գերազանցել տվյալ տարվա համար գույքահարկի գծով համայնքի բյուջեում հաստատված եկամուտների 10 տոկոսը:

Խախտումն արձանագրվել է Կարմիր Աղեկ համայնքում:

Չեն պահպանվել «ՀՀ աշխատանքային օրենսգրքի» 169-րդ հոդվածի 2-րդ կետի պահանջները, համաձայն որոնց ամենամյա արձակուրդային վճարն աշխատողին պետք է վճարվի արձակուրդ մեկնելուց առնվազն երեք օր առաջ:

Խախտումն արձանագրվել է Ախթալա, Լեռնապատ, Յաղդան, Օձուն, Ձյունաշող, Մեծավան, Մեծ Այրում և Ծաղկաշատ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 40-րդ հոդվածի և «Առևտրի և ծառայությունների մասին» ՀՀ օրենքի 17.1 հոդվածների պահանջները՝ համաձայն որոնց առևտրի և ծառայությունների բնագավառում չեն իրականացվել համապատասխան հսկողություն:

Խախտումն արձանագրվել է Ախթալա, Շամլուղ, Աքրի, Գուգարք, Լեռնապատ, Լեռավան, Ծաթեր, Ծաղկաշատ, Մղարթ, Մեծավան, Մեծ Այրում, Մեծ Պարնի, Սարահարթ, Սարամեջ, Սարչապետ, Վահագնի և Օձուն համայնքներում:

Չեն պահպանվել «Ժամանակավոր անաշխատունակության մասին» ՀՀ օրենքի 22-րդ հոդվածի 2-րդ կետի պահանջները, համաձայն որոնց վարձու աշխատողի միջին ամսական աշխատավարձը հաշվարկվում է ժամանակավոր անաշխատունակությունը առաջանալու ամսվան նախորդող 12 հերթական օրացուցային ամիսների համար տվյալ գործատուի կողմից վարձու աշխատողին վճարված եկամուտը տասներկուսի բաժանելու միջոցով: Սույն մասի իմաստով եկամուտ են համարվում սոցիալական վճարների հաշվարկման օբյեկտ համարվող աշխատավարձը և դրան հավասարեցված եկամուտները, ինչպես նաև «Ժամանակավոր անաշխատունակության մասին» ՀՀ օրենքով սահմանված նպաստը:

Խախտումն արձանագրվել է Ախթալա, Շամլուղ, Օձուն և Մեծավան համայնքներում:

Չեն պահպանվել «Գնումների մասին» ՀՀ օրենքի 22-րդ հոդվածի 1-ին կետի 1-ին ենթակետի պահանջները, համաձայն որոնց գնման առանձին ընթացակարգ անցկացնելուց խուսափելու նպատակով արգելվում է գնումը բաժանել առանձին



չափաբաժինների՝ բաց կամ սահմանափակ ընթացակարգի կիրառումից խուսափելու նպատակով:

Խախտումն արձանագրվել է Լեռնավան, Սարալանջ, Սարչապետ, Սարահարթ, Մեծավան և Օձուն համայնքներում:

Չեն պահպանվել «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 1.1 կետի պահանջները, համաձայն որոնց համայնքի ղեկավարը անհատական ակտեր ընդունելուց հետո պարտավոր է եկօրյա ժամկետում այն ուղարկել համայնքի ավագանու անդամներին:

Խախտումն արձանագրվել ՀՀ փոխվարչապետ, տարածքային կառավարման նախարարի, 20.01.2012թ «Վարչական հսկողության 2012 թվականի աշխատանքային ծրագիրը հաստատելու մասին» N 11-Ա հրամանով հաստատված, ՀՀ Լոռու մարզում ծրագրով նախատեսված բոլոր համայնքներում:

Չեն պահպանվել «Իրավական ակտերի մասին» ՀՀ օրենքի 72-րդ հոդվածի «բ» ենթակետի պահանջները, համաձայն որոնց իրավական ակտով կարգավորվող իրավահարաբերությունները կարգավորվում կամ կարգավորվելու են այլ իրավական ակտով:

Խախտումն արձանագրվել է Ծաթեր, Ծաղկաշատ, Մեղվահովիտ և Նովոսելցովո համայնքներում:

Չեն պահպանվել «Իրավական ակտերի մասին» ՀՀ օրենքի 38-րդ հոդվածի 3-րդ մասի պահանջները, համաձայն որոնց նորմատիվ իրավական ակտերում դրա բնույթի մասին կատարվում է «Ն» նշում:

Խախտումն արձանագրվել է Ծաղկաշատ, Մղարթ, Լեռնավան, Վահագնի և Սարամեջ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 53-րդ հոդվածի պահանջները, համաձայն որոնց համայնքի ղեկավարը մշակում է համայնքի քառամյա զարգացման ծրագիրը, որը ներկայացնում է նորընտիր ավագանու հաստատմանը:

Խախտումն արձանագրվել է Մղարթ և Ծաղկաշատ համայնքներում:

## **ՀՀ Արարատի մարզ**

Նախատեսվել և իրականացվել է վարչական հսկողություն մարզի 33 համայնքների ղեկավարների և ավագանու կողմից իրականացված լիազորությունների նկատմամբ:

Համայնքներում իրականացված հսկողության արդյունքում հայտնաբերվել են հետևյալ հիմնական խախտումները.

Չեն պահպանվել «Տեղական ինքնակառավարման մասին» ՀՀ օրենքի 34-րդ հոդվածի պահանջները, համաձայն որոնց համայնքի ղեկավարի պարտադիր լիազորությունն է ապահովել բյուջեի կատարումը, տեղական հարկերը, տուրքերը և վճարները չվճարող անձանց նկատմամբ օրենքով սահմանված կարգով կիրառվել համապատասխան միջոցներ:

Խախտումն արձանագրվել է Երասխ, Նորամարգ, Սիսավան, Բաղրամյան, Լանջազատ, Զանգակատուն, Դեղձուտ, Հայանիստ, Կանաչուտ, Ղուկասավան, Նարեկ, Հնաբերդ, Արևաբույր, Այգավան, Այգեպատ, Նորաբաց, Դարբնիկ, Բարձրաշեն և Նոր Կյուրին համայնքներում:

Չեն պահպանվել «Տեղական ինքնակառավարման մասին» ՀՀ օրենքի 69-րդ հոդվածի պահանջները, համաձայն որոնց համայնքի ղեկավարը եռամսյակը մեկ անգամ ՀՀ բյուջետային օրենսդրությամբ սահմանված ժամկետներում բյուջեի ընթացքի մասին հաղորդումներ պետք է ներկայացնի համայնքի ավագանուն:

Խախտումն արձանագրվել է Երասխ, Բաղրամյան, Լանջազատ, Զանգակատուն, Դեղձուտ, Հովտաշատ, Ղուկասավան, Նարեկ, Հնաբերդ, Արևաբույր, Այգավան, Շաղափ, Նոյակերտ, Աբովյան, Այգեպատ, Մասիս, Ջրաշեն, Բարձրաշեն, Նոր Կյուրին և Գետափնյա համայնքներում:

Չեն պահպանվել «Տեղական ինքնակառավարման մասին» ՀՀ օրենքի 34-րդ հոդվածի 5-րդ կետի պահանջները, համաձայն որոնց համայնքի ղեկավարը տնօրինում է համայնքի բյուջեի միջոցները, ապահովում է դրանց նպատակային օգտագործումը:

Խախտումն արձանագրվել է Զանգակատուն, Հայանիստ և Արևաբույր համայնքներում:

Չեն պահպանվել «ՀՀ հողային օրենսգրքի» 7-րդ հոդվածի պահանջները, համաձայն որոնց արձանագրվել են հողամասերի նպատակային նշանակության ինքնակամ փոփոխության դեպքեր:

Խախտումն արձանագրվել է Մարմարաշեն, Դվին, Հայանիստ, Հովտաշատ և Արմաշ համայնքներում:

Չեն պահպանվել «Տեղական ինքնակառավարման մասին» ՀՀ օրենքի 41 –րդ հոդվածի պահանջները, համաձայն որոնց համայնքի ղեկավարը կազմակերպում է Հայաստանի Հանրապետության տոների և հիշատակի օրերի հետ կապված միջոցառումներ, ինչպես նաև համայնքի ղեկավարը աջակցում է արհեստների, ժողովրդական ստեղծագործության և գեղարվեստական ինքնագործունեության զարգացմանը:

Խախտումն արձանագրվել է Գետազատ, Ղուկասավան, Բաղրամյան, Նոր Կյուրին, Նոյակերտ, Շաղափ, Երասխավան, Արևաբույր, Ջրահովիտ, արբնիկ և Բարձրաշեն համայնքներում:

Չեն պահպանվել «Քաղաքաշինության մասին» ՀՀ օրենքի 10 և 16 հոդվածների պահանջները, համաձայն որոնց քաղաքաշինական գործունեության փաստաթղթերը (կառույցի ավարտի փաստագրում) պարտադիր կերպով պետք է լրացվեն համայնքապետերի միջոցով: Ինքնահոսի է թողնված կառույցի ավարտի փաստագրումը, որի պատճառով ոչ բոլոր ավարտված կառույցներն ունեն սեփականության իրավունքի գրանցման վկայական:

Խախտումն արձանագրվել է Այգավան, Այգեպատ, Արևաբույր, Բարձրաշեն, Լանջազատ, Հայանիստ, Խաչփառ, Հովտաշատ, Մրգանուշ և Սիսավան համայնքներում:

Չեն պահպանվել «Իրավական ակտերի մասին» ՀՀ օրենքի 37-րդ 40-րդ հոդվածի պահանջները, համաձայն որոնց ընդունված ակտերի գերակշիռ մասը իրենց կառուցվածքով, վերնագրերով և իրավական տեխնիկայի կանոններով չեն համապատասխանում ՀՀ «Իրավական ակտերի մասին» օրենքի պահանջներին:

Խախտումն արձանագրվել է Գետափնյա, Նոյակերտ, Արևաբույր, Բաղրամյան, Երասխ և Նարեկ համայնքներում: